


演道俗業經
百佛名經

百七十一
必七



48428



元祿九年丙子二月日童脩

皇圖鞏固 帝階綴昌

佛日增輝 懋輪常轉

山城州天安寺法金剛院置



二經同卷

演道俗業經

百佛名經

演道俗業經

乞伏秦沙門釋 聖堅 譯

聞如是。一時佛在舍衛國祇樹給孤獨園與

大比丘眾千二百五十菩薩無數四輩之眾

天龍鬼神阿須倫會時給孤獨氏與五百居

士出舍衛城行詣佛所稽首足下却坐一面

叉手問佛居處治家財有幾輩出家修道行

異同乎當奉何法疾成無上正真之道復以

何宜化眾。生耶。佛言善哉。問也。開發瞳矇。將



必

來學施佛言財有三輩一曰下財二曰中財
三曰上財何謂下財有人治產積聚錢財不
敢衣食奉修經戒不能孝順供養二親不樂
隨時給足妻子欲其消息充飢飽賜奴客徒
使衣裁蔽形食係口腹抱愚守惜如蜂愛蜜
不信先聖不奉高士沙門道人不好布施種
福爲德心自計常不慮對至合者必散禍福
自追貪慕身地不覺惱根咄嗟歿過入泥梨
門其身緣食四大虺盛神寄其中假号爲名
羸弱猶化危脆不固不解非常倚世之榮心
懷萬憂謂亦長生心存吾我不達悉空三界
常虛況人物乎汲汲迷惑貪姪嫉妬如斯行

者奉養父母安和至心出辭還返不失顏色
晨定暮省小心翼翼念二親恩而無窮極給
足妻子應時衣食恩情歸流與共同歡妻子如是
也終無私行瞻視奴客眷屬徒使不令飢之
不信死後當復更生謂死滅盡歸於無形供
孝所生念乳養恩給足妻子戀恩愛情瞻視

僕使欲得其力不能奉敬沙門道人不肯行
善布恩施德後當得福與衆殊特是謂中財
佛於頌曰

常能念乳養

孝順供二親

給足其妻子

隨時不失節

奴客及徒使

慰勞不加惡

下侍皆順從

遺行不違教

不信後世生

聞之驚不喜

自計身有常

長存不終亡

三界如幻化

當識此辟章

已所爲罪福

從太而受之

佛復告長者上財業者謂其人若有財寶能
自衣食孝順父母不失時節恒瞻顏色不令
懷感出不犯禁入不違禮造行清白不使汙
染恭敬尊長謙遜智者啓受博聞等心不邪
下劣貧厄咸蒙被荷給贍妻子常令豐備除
諸邪念修以正治消息奴使不令窮匱不妄
擗罵加之慈愍奉敬先聖至學正士出家順
法沙門賢明夙夜行禮不失其意布施所乏
使成道德恣講經典并化癡冥以善方便不

失其時自安護彼一切衆生猶如犍牛食芻
出乳酪乳酪出蘇出蘇已成醍醐醍醐最柔
特妙其自安身愍哀十方多所慈念多所安
隱諸天人民皆得蒙度是人最尊無上無比
爲無疇匹爲世大雄獨步無侶佛於是頌曰
若有衆財業以自好衣食供養孝父母
不失其顏色出遊不犯禁還返不違禮
造行常清淨順法不荒迷恭敬奉尊長
謙遜明智者啓受博聞士等心不慕邪
隨時給妻子各令得其所慈賜奴僕使
衣食常豐足奉沙門學士布施授供養
從受深妙法棄捐癡瞋盲愍傷十方人

不獨爲身行

常自安其已

亦解一切厄

譬如蘇醅醐

本從芻草出

既可用安身

身和無疥疾

普哀衆生類

其心常平一

以是四等行

速逮成至佛

佛告長者出家修道學有三品一曰聲聞二

曰緣覺三曰大乘何謂聲聞畏苦馱身思無

央數生死之難周旋之患視身如怨四大猶

虺五陰處賊坐禪數息安般守意觀身惡露

不淨之形畏色欲本痛想行識怖地獄苦餓

鬼之厄畜生惱結人中之難天上別離不可

稱計輪轉無休如獄中囚欲斷生死勤勞之

罪求無爲樂汨汨之安但自爲己不念衆生

常執小慈不與大哀倚于音聲不解空慧三
界猶幻趣自濟己不願恩慈是為聲習學佛
於是頌曰

畏無量生死

周旋之艱難

心已懷恐懼

唯欲求自安

坐禪而數息

專精志安般

觀身中惡露

不淨有若干

棄捐三界色

斷欲得自安

不能修大慈

唯志樂泥洹

佛告長者緣覺者本發大意为菩薩業布施
持戒忍辱精進一心智慧以用望想求為尊
豪天上下天下咸令自歸三十二相八十種好
威神德重巍巍堂堂無能及者不解如來色
身所現因出愚人不識大道斷生死流不能

反源盡生死本故爲現身相好嚴密文辭言
教以化愚冥顯示大明及著相好謂審有色
像雖行四等四恩六度無極三十七品觀十
二緣欲拔其源不解本無希望大道正使積
德如虛空界不得至佛所以者何用不達故
何謂不達布施持戒忍辱精進一心智慧四
等四恩有所希望念救一切五趣生死解空
無相不願諸法曉一切法如幻化夢野馬影
響芭蕉泡沫皆無所有道慧無形等如虛空
無所增壞普度衆生佛於是頌曰

本發菩薩意

志慕大乘業

但欲著佛身

不了無適莫

布施戒忍辱

精進禪息智

四等恩六度

唯己樂無為

三十二相明

八十好巍巍

天上天下尊

脫五陰六衰

但察其麁事

不能觀深微

雖欲度十方

心口自相違

不了如幻化

水沫泡野馬

芭蕉如夢影

妄想甚衆多

正使作功德

猶如江河沙

心懷無上真

不解除衆魔

佛告長者其大乘學發無上正真道意行于
大慈等如虛空而修大悲無所適莫不自憂
身但念五趣一切衆生普欲使安奉四等心
慈悲喜護惠施仁愛利益義等救濟十方布
施持戒忍辱精進一心智慧六度無極無所
希望以施一切衆生之類觀于三界往返周

旋勤苦艱難不可稱計念之如父如母如子
如身等而無異為之雨淚欲令度厄至于大
道佛於是頌曰

發無上大意

行慈悲喜護

大哀如虛空

行等無適莫

立德不為己

唯為十方施

度脫諸羣生

使至大道智

又有四事得至大乘一曰布施給諸窮乏
二曰不擇豪劣行輕重心三曰所可施與無所
希望不求還報四曰以此功德施於衆生佛
於是頌曰

布施攝貧窮

不行輕重心

志慧無希望

不求還得報

愍念於群黎

往來周旋者

以此功德施 悉令至大道

佛告長者奉戒有四事疾成大乘一曰守口
護身心不念非二曰出入行步不失禮節三
曰不願生天轉輪聖王釋梵之位四曰以是
禁戒惠施衆生佛於是頌曰

常護身口意

心堅如大山

若出入行步

未曾失禮節

不願生天上

釋梵轉輪王

則以此政行

用惠一切人

佛告長者忍辱有四事疾成大乘一曰若罵

詈者不計音聲二曰若搥捶者計如無形三

曰若毀辱者謂如風吹四曰有加害者常懷

大哀佛於是頌曰

擗詈令默然

自計本無形

設有根意起

心輒還自正

和心顏色悅

衆人咸恭敬

用是得成佛

三十二相明

佛告長者精進有四事一曰夙夜奉法未曾

懈廢二曰寧失身命不違道教三曰勤諷深

典不以懈倦四曰廣欲救濟諸危厄者是爲

四佛於是頌曰

夙夜奉大法

未曾有忽忘

寧自失身命

不敢違道教

誦習深經典

不以爲懈倦

救濟衆危厄

不使心懷恐

佛告長者禪思有四事一曰樂習精修閑居

獨處二曰靜身口心令不憤亂三曰雖在衆

開常能定已四曰其心曠然而無所著佛於是頌曰

恒好於精修 志閑居獨處 靜其身口意

未曾念憤鬧 數處眾亂中 心定無忽變

一心見十方 道慧起神仙

佛告長者智慧有四事一曰解於身空四大

合成散壞本無主名二曰其生三界皆心所

為心如幻化倚立眾形三曰了知五陰本無

處所隨其所著因有斯情四曰曉十二緣本

無根源因對而對現是為四佛於是頌曰

悉解其身空 四大而合成 散滅無處所

從心而得生 五陰本無根 所著以為名

十二緣無端

了此至大安

佛告長者智慧復有六事一曰解色如聚沫
二曰了痛癢如水泡三曰思想如野馬四曰
曉生死如芭蕉五曰察識如幻六曰心神如
影響計本悉空皆無處所佛於是頌曰

解色如聚沫

痛癢如水泡

思想猶野馬

生死若芭蕉

了識假譬幻

三界無一好

分別悉空無

尔乃至大道

佛告長者慈有四事一曰慈念十方二曰如
母育子三曰極愍念之四曰如身無異是為
四佛於是頌曰

慈念於十方

如母育赤子

常懷極愍念

如身等無異

佛告長者哀有四事一曰愍之二曰為之兩
淚三曰身欲代罪四曰以命濟之喜有四事
一曰和顏二曰善言三曰說經四曰解義護
有四事一曰教去惡襲善二曰常訓誨歸命
三寶三曰使發道意四曰開化衆生是為四

佛於是頌曰

愍念為兩淚

身欲代其罪

捨命而濟之

不以為懷恨

和顏演善法

講法分別義

教去惡就善

誨歸命三寶

佛告長者有四法疾成無上正真之道一曰
解空學無所求二曰無相無所希望三曰無

願不慕所生四曰常等三乘之業無去來今
是爲四佛於是頌曰

解空無所求 無相希望報 不慕願所生

常等三世行

佛告長者有四事法疾成佛道一曰一切皆
悉本淨二曰而解萬物普如幻化三曰生死
斷滅皆從緣對四曰計其緣對本亦無形佛
於是頌曰

一切悉本淨 解萬物如幻 生死從緣對

計本亦無形

佛告長者有六法疾成正覺一曰身常行慈
無怨無結二曰口常行慈演深慧義三曰心

慈仁和調隱哀念十方四曰護戒不造想求
大乘之業五曰正觀見十方空道俗不二六
曰供足乏食救身之業以濟危厄是為六佛
於是頌曰

身常行慈心

未曾懷怨結

口恒修至愍

演深慧之誼

心和仁調隱

哀念諸十方

護戒不起想

正觀十方空

佛告長者有四事疾成佛道一曰奉精進業
悉無所著二曰教化衆生道心不斷三曰遊
于生死不以患厭四曰大慈大哀不捨權慧
是為四佛於是頌曰

精進無所著

教化未曾斷

不患厭生死

不廢捨權慧

佛告長者開化衆生有四事一曰不信生死者則以現事禍福喻之二曰不信三寶顯示大道三曰迷惑邪徑指語三乘佛道獨尊而無有侶四曰三界所有悉如幻化無一眞諦是爲四佛於是頌曰

不信生死禍福示

墮邪見者顯大道

佛道獨尊而無侶

三界悉空如幻化

佛告長者開化復有七事一曰慳貪者教令布施二曰犯惡者誨令奉戒三曰瞋恚者勸令忍辱四曰懈怠者化令精進五曰心亂者誨令定意六曰愚冥者教令至學智度無極

七曰不知隨時顯權方便是為七佛於是頌曰
慳者教布施 犯惡令奉戒 瞋恚勸忍辱

懈怠勸精進

亂者使定意

愚冥教令學

智慧度無極

隨時發善權

隨時菩薩問佛何故學者有上中下不悉普
等至大乘乎佛言學者其心見有遠近解有深

淺志有憂劣故示三乘計本無三假引為喻
譬如有人為國大臣聰明智慧王之所重參
誼國事一以委託不懷疑慮友斯大臣有三
親友一曰太子二曰尊者三曰凡人大臣舉
治國之正頗有漏失眾人譖入白之於王謂
圖群逆王聞懷疑問諸臣曰當何罪之諸臣

得便各重罪之或言斫頭或言截手斷足或
言割耳及鼻挑眼去舌王察衆臣所議甚重
告曰不然此人明達偶有小失不宜乃尔當
捉閉著獄諸臣唯從不敢復言告邊臣曰速
下文書令收勅臣閉在刑獄時凡親友聞之
悲念欲使出獄力劣不任唯以衣被飲食所
之日日供之亦不能令不見拷治尊者友聞
心用辛酸往至其所解喻獄吏不令拷治痛
苦休息不堪出獄王太子聞以爲惻然是吾
親親無有重罪衆臣憎之讒之於王不宜取
尔往詣王所具陳本末謂無逆肆當用我故
願赦其殃王用愛子即赦使出獄與王相見

令業如故其國王者謂如來其太子者智慧
度無極善權方便菩薩逮得無所從生法忍
權慧之宜乃能得出於三界獄得成爲佛廣
濟衆生尊者親友謂行淨戒免三惡趣不免
三界可受天上人間福不得至道凡知友者
謂布施業此適能脫餓鬼之界不免地獄畜
生之厄所以者何如其所種各得其類發無
上正真道意奉於大慈無極大哀開化一切
故得至佛道本興大道不達深法不解進退
中止自廢故爲緣覺畏生死難往返周旋但
欲自濟不念苦人故墮聲聞各隨本然而獲
致之說是經時給孤獨園居士五百長者皆

發無上正真道意有數千人遠塵離垢諸法
眼生笙篴樂器不鼓自鳴飛鳥走獸相和悲
聲當是之時莫不歡喜自歸佛者居士復問
初學道者始以何志佛言先習五戒自歸於
三何謂五戒一曰慈心仁恩不殺二曰清廉
節用不盜三者貞良鮮潔清淨四曰篤信性
和不欺五曰要達志明不亂何謂三自歸一
曰歸佛無上正真二曰歸法以自御心三曰
歸衆聖衆之中所受廣大猶如大海靡所不
包復有四一曰道跡二曰往還三曰不還四
曰無著緣覺至佛無上大道得天人身皆由
之生次行四等四恩四辯六度無極大慈大

哀得成大道前知無窮却覩無極教訓十方
何智不逮阿難問曰此經何名云何奉行佛
言名曰解俗家業三品之財出家修道無上
正真其要号曰演道俗業佛說如是賢者阿
難給孤獨居士五百清信士莫不歡喜

演道俗業經

百佛名經

隋天竺三藏法師那連提耶舍譯

如是我聞一時佛在舍衛國祇樹給孤獨園
與大比丘比丘尼優婆塞優婆夷大菩薩衆

及大諸天帝釋天王大梵天王四天王天
龍夜叉乾闥婆阿脩羅迦樓羅緊那羅摩睺
羅伽人非人等無量百千大眾前後圍繞恭
敬供養尊重讚歎。爾時世尊爲諸大眾宣說
妙法時尊者舍利弗即從座起整理衣服右
膝著地合十指掌而白佛言惟願世尊演說
十方現在世界諸佛名号所以者何若有善
男子善女人聞是現在諸佛名者生大功德
發阿耨多羅三藐三菩提心得不退轉亦當
速成阿耨多羅三藐三菩提。爾時佛告舍利
弗善哉善哉汝今爲欲利益安樂諸大眾故
覆護憐愍愍諸衆生故令諸衆生所求滿故欲

令一切生歡喜故亦爲未來諸菩薩等增善
根故善哉善哉生善覺觀作如是問如是問
者皆是如來威神之力舍利弗汝今諦聽若
有善男子善女人聞是現在諸佛名号能受
持者一切魔衆於是人所不得其便一切惡
人亦不得便獲得無量無邊甚深功德隨所
生處具菩薩行得宿命通顏容端正衆相具
足常得親近供養諸佛乃至速成阿耨多羅
三藐三菩提何以故舍利弗若有聞是諸佛
名号受持讀誦恭敬禮拜書寫供養展轉教
他所得功德無量無邊今時世尊即說偈言
若能持此佛名者
此人不可爲刀所傷

毒不能害火不燒
得見大智金色光
既得見於諸佛已
其目不盲不赤黃
得那羅延大力身
常得天龍及夜叉
怨家惡人不能害
汝今諦聽舍利弗
若有聞此佛名者
是故汝今志心聽
能拔衆生煩惱刺
愚癡盲冥凡夫等

亦不墮於八難中
三十二相諸法王
無量供養彼諸佛
身不偃曲不一眼
受持佛名報如是
乾闥婆等所供養
受持佛名報如是
如我所說微妙語
則得近於菩提道
十方世界大法王
譬如藥樹除衆病
施與菩薩智慧眼

又如行施勝菩薩
於中悉滿閻浮金
施與大悲大導師
幡蓋衣服如恒沙
一心而以用布施
滿中建立諸佛塔
如恒河沙等諸佛
其塔悉以七寶成
其數三十有六億
造作繖蓋供養具
百佛世界等諸國
其數猶如恒河沙
其數亦如恒河沙
各各徧照三千界

無量千億恒沙界
晝夜六時無休息
又以栴檀滿百刹
無量千萬億劫中
復於一佛國土中
於一劫中而供養
又造高塔如須彌
如是徧滿十千刹
以赤栴檀及真珠
一一繖蓋能遍覆
真珠旒蘇齊佛刹
於空復造金繖蓋
色如紫磨真金像
一一塔中設供養

其數亦如恒河沙
各各徧照三千界
無量無邊無數劫
不及能發菩提心
任不放逸清淨戒
如是能持此佛名

色如紫磨真金像
一一塔中設供養
如上所作諸功德
如是能發菩提心
不及能持此佛名
又能憐愍諸衆生

所在諸方廣流布
彼於一切衆生中

教令受持佛名者
爲作福田猶如來

尔時佛告舍利弗若有一心受持讀誦憶念
不忘此佛名者所生貪欲瞋恚愚癡諸怖畏
等即得除滅未生貪欲瞋恚愚癡諸怖畏者
能令不生尔時世尊即說佛名

南無月光佛

南無大莊嚴佛

南無常照曜佛

南無最上佛

南無蓮華生佛

南無阿伽樓香佛

南無栴檀德佛

南無巨海佛

南無梵德佛

南無大生佛

南無阿彌陀佛

南無大金柱佛

南無阿閼佛

南無多伽羅香佛

南無栴檀德佛

南無蓮華幢佛

南無寶聚佛

南無大精進佛

南無娑伽羅佛

南無幢德佛

南無大香佛

南無寶網佛

南無大施德佛

南無大念佛

南無言無盡佛

南無常散華佛

南無大愛佛

南無師子香勝佛

南無養德佛

南無帝釋火燄佛

南無常樂德佛

南無師子華德佛

南無寂滅幢佛

南無戒王佛

南無普德佛

南無普德象佛

南無無優德佛

南無優波羅香佛

南無大地佛

南無大龍德佛

南無清淨王佛

南無大愛佛

南無蓮華德佛

南無捨華佛

南無龍德佛

南無華聚佛

南無香象佛

南無常觀佛

南無正作佛

南無善住佛

南無尼瞿嚧隨王佛

南無無上王佛

南無月德佛

南無栴檀林佛

南無日藏佛

南無德藏佛

南無須彌力佛

南無摩尼藏佛

南無金剛王佛

南無威德佛

南無無壞佛

南無善見佛

南無精進德佛

南無大海佛

南無覆娑羅樹佛

南無跋蹉德佛

南無佛天佛

南無師子幢佛

南無毗頭德佛

南無無邊德佛

南無德智佛

南無厚德佛

南無華幢佛

南無象德佛

南無精進德佛

南無龍德佛

南無德生佛

南無寶聚佛

南無德婆瑳子佛

南無論議佛

南無普見佛

南無寶多羅佛

南無普捨佛

南無大供養德佛

南無大網佛

南無斷一切衆生疑王佛

南無寶德佛

南無普蓋佛

南無大蓋佛

南無勝德佛

南無千供養佛

南無寶蓮華奮迅佛

南無厚德佛

南無智幡佛

南無寶月德佛

南無尼瞿噶陀婆瑳王佛

南無常德佛

南無普蓮華佛

南無平等德佛

南無龍護救濟佛

此諸佛名等

能救護世間

初夜誦一遍

思念佛而眠

中夜誦一遍

後夜亦復然

如是晝三時

於初中後分

一時誦一遍

精勤不放逸

誦此佛名故

常得見好夢

惡鬼及惡人

不能得其便

是故此佛名

能救護世間

一切天樂神

夜叉鳩槃荼

羅刹諸鬼等

不能起障礙

於此百佛名

常能念持者

一切諸魔事

不能得其便

尔時天帝釋

三十三天王

整理身衣服

胡跪而合掌

白佛言世尊

我等常衛護

受持佛名者

及四天大王

亦常護於彼

受持佛名者

唯除必定業

不可得救護

一切天人中

無能加惡者

尔時一切智

出大微妙聲

八種和雅音

善美眾樂聞

普告諸大眾

速受此佛名

於十方世界

所在廣流布

而作大法施

斷除眾生疑

大聖釋迦文

演說此法時

三百諸比丘

悉得諸漏盡

復有比丘尼

其數有四十

一切漏法盡

逮得阿羅漢

復有優婆塞

其數滿五千

任勝歡喜心

獲果須陀洹

復有優婆夷

其數千一百

皆遠離塵垢

而得法眼淨

復有大天王

無量千萬眾

於法王法中

得清淨法眼

如彼恒河沙

分之為三分

菩薩如一分

悉獲無生忍

三千大千刹

是時六震動

諸山及高峯

大地皆震吼

於上虛空中

雨諸天妙華

天龍非人等

喜聲悉徧滿

尔時帝釋天

目連離婆多

蚩奴劫賓那

摩訶迦旃延

及摩訶迦葉

漚樓頻迦葉

乃至那迦葉

富樓弥多羅

善吉不見空

阿難陀跋提

沓婆摩羅子

如是等大眾

二萬五千人

同聲白佛言

釋師子法王

我盡精進力

皆悉無有餘

以諸神通力

於無量世界

化作無量身

過無量佛刹

常說此佛名

亦如佛所說

亦時佛世尊

為令眾見故

示現大神通

現無量億刹

以佛神通力

見釋師子王

處處而遍滿

說此脩多羅

亦如過去佛

所說無差別

佛告諸大眾

我於無量劫

久善修神通

於無上佛法

決定莫生疑

安隱眾生故

速說此佛名

令諸眾生等

永離生死苦

亦時佛告慧命舍利弗若有善男子善女人

聞佛名已深信清淨發菩提心愛樂受持晝

夜精勤讀誦書寫廣為他說得無量無邊廣

大功德得不退轉乃至速成阿耨多羅三藐
 三菩提一切眾魔不能嫉亂佛說是經已慧
 命舍利弗釋梵四王比丘比丘尼優婆塞優
 婆夷天龍夜叉乾闥婆阿脩羅等一切大眾
 聞此法已皆大歡喜
 百佛名經
 必

演道俗業經

虺許鬼反 遜蘇困反 遺求位反 孛上音字
地 反 反 反

莛楚俱反 疇上直留反 疔田刃反 淫古
草也 作儔下疔字 疾也 文

濟俱反 憤上俱妹反 龍音習 譖測焰反 批
字 下 入也 也 也

眼他彫 拷上音考 榜步庚反 恫然
反 扶 正 也 也

也意 讒助銜 赦音 包必交反
反 反 舍 也

百佛名經

反 偃 紆 紆
 蹉 背 主
 反 七 脊 反
 何 曲 也
 瑳 也 一 儂
 反 千 我 旒 音 流
 漚 烏 垂 冠 冕
 侯 飾 也 繖 音 散
 或 作 傘 噓 方

